

Poli à letereŋi niŋcyiŋi ngemu tun Timōti á ke

Mpe yii à yaa yii cè mà jwo yii jyè letereŋi funḡo jwumpe e ke

Poli u à nge letereŋi tun Timōti á. Timōti tuŋi na mpyi Gireki. U nuŋi sí nye Yahutu, uru Yahutucwoŋi mpyi a pa uye kan Yesu á.

Nye tēni i Poli à Jwumpe Nintanmpe jwo Azi kùluni shiinbil'á ke, u ná Timōti à piye nya. Lire pyiŋkanni na pi à jyè piye e. Mà Poli yaha Kile jwumpe njwuŋi na, tooyo niŋyahay'e Timōti mpyi maha ŋkàre ná u e. Dánafeebii kuruyi kani li mpyi a Poli funḡo pen ke, u mpyi maha Timōti tunni pire dánafeebil'á. Mà Timōti yaha Kile jwumpe njwuŋi na Efese kànhe e, Poli à nge letereŋi niŋcyiŋi tũugo u á maa kapyaa sicyeere cya u á.

U à yi jwo u á na cyelentiibii kafinivinibii pi nye na Kile jwumpe labali na yu Efese kànhe yaha kurugo ke, na Timōti u yi jwo dánafeebil'á na pi àha ntaha pire jwōh'i mē, na pi Kile kuni nye sèe mē. Pi maha jwo na diŋyeŋi yaayi pun'à pi, na ngemu la ká mpyi si shwō yire yapiyi na ke, urufol'à yaa u a yalyire ná yabyeere tà fún, urufoo mú sí nye a yaa u fúru pyi mē. Ŋka Poli à jwo na yaayi Kile à dá diŋyeŋi i ke, yire pun'à jwō.

U à Kile pēeŋkanni jwo u á.

Pyiŋkanni na dánafeebii kacwōnribil'à yaa pi pyi ke, Poli à lire jwo u á mú.

Timōti na mpyi cyelentu nāŋjiibile. Lire kurugo yereŋkanni na u à yaa u a dánafeebii yerege ke, Poli à lire kuni le u taan.

Poli à Timōti shéere

1 ¹ Mii Poli u nye Yesu *Kirisita tũntunḡo mà tàanna ná wuu shwofoŋi Kile tũnture e ná Yesu Kirisita, wuu sōnḡore tatahage e ke, ² mii u à nge letereŋi tun mu á, Timōti, mu u nye mii jyaŋi sèese wuŋi mà tàanna ná Kile kuni i. Wuu Tuŋi Kile ná wuu Kafoŋi Yesu Kirisita pi jwō ma na, pi i jũnaara ta ma na, pi i yyeŋiŋke kan ma á.

Poli à cyelentiibii kafinivinibii kyaa jwo Timōti á

³ Bà mii à yi jwo a waha mu á, mii niŋkareŋi Masedoni kùluni i mē, mu à yaa mu u ntēen Efese kànhe e, cyelentiibii pi nye na Kile Jwumpe

labali na yu ke, maa pi sige lire na. ⁴Yi jwo pi á na pi àha piye pwo jwupjyempe laaga baa wumpe ná pi à fworu tulyeyi njemu i ke, yire siifeebii meyi nákaante laaga baa woore niŋkwombaare na me. Cyire karigii maha nákaante nyahage, cyi nyé a yyaha tíi ná Kile nyii wuuni i me, wuu maha lire ndemu cè u kuni cye kurugo ke. ⁵Kuru yerége jùŋke ku nyé pi á, bà pi si mpyi si pi shinjæebii kyaa táan piy'á ná zòvvinre ná funjcenŋke ná dáníyanj sèe wunji i me. ⁶Ŋka pii na nyé wani, pir'à kántugo wà lire kun'á, maa ŋkwôro na jwumpe laaga baa wumpe kanni yu. ⁷Pi la nyé si mpyi *Kile Saliyanj cyelentii, mà li ta jwumpe pi nyé na yu ke, pi nyé a puru yyaha cè me. Pi à piye pwo maa sùpyire kâlali ndemu na ke, pi nyé a lire cè me.

⁸Kile *Saliyanj wi ke, wuu à li cè na u à jwo, ŋka fo sùpyire ká a ŋkâlali u na na jwo. ⁹Wuu à li cè mú na uru Saliyanj nyé a tñe shintiibii kurugo me, ŋka u à tñe shinpiibii kurugo. Mpii pi à jùŋo kyán Kile na ke, mpii pi nyé pi nyé na fyáge Kile na me, ná kapimpyiibii, Kile à Saliyanj tñe pire mpii puni mæ na. Mpii pi nyé pi nyé na Kile père mú me, ná Kile mekæge feebii ná mpii pi à pi sifeebii cùmu leme pi ke^a, ná supyiboopii, Kile à u Saliyanj tñe pire puni mæ na, ¹⁰ná jacwoobii ná nàmbaabii pi maha wwùu ná piye e ke, ná mpii pi maha sùpyire cwôre na mpérelé ke, ná kafinivinibii ná mpii pi maha ŋkâre Kile na laaga baa ke, ná kyaa maha kyaa l'à kántugo wà kàlanj niŋcenŋ'á ke, Kile à Saliyanj tñe cyire karigii puni pyifeebii mæ na. ¹¹Uru kàlanj niŋcenŋi na nta Jwumpe Nintanmpe e, mpe p'à Kile pèente cyêe wuu na ke. Kilenj u nyé yyenŋke kanfoonj ke, uru u à mpe jwumpe kan mii á.

Poli à fwù kan Kile á, jaha na ye Kile à jwo u na maa u shwo

¹²Mii à fwù kan wuu Kafoonj Yesu *Kirisita á, jaha na ye u à cyege taha mii na, maa mii pyi u báarapyi, maa fànha kan mii á uru báaranj mæ na. ¹³Mà li ta tèecyiini i, mii mpyi na u mege kèege, mpii pi à dá u na ke, marii pire kyéree, marii pi cyere mú. Ŋka Kile à jùŋaara ta mii na, jaha na ye mii mpyi na cyire karigii pyi cyi jcembaanji funŋke e, mii mpyi na sàha ŋkwò a dá Yesu na me. ¹⁴Ŋka wuu Kafoonj Kile à jwo mii na sèe sèl'e, maa mii tège, ka mii i dá Yesu Kirisita na, maa u kyaa táan nay'á. ¹⁵Mpe jwumpe na nyé kapye, sùpyire pun'à yaa ti jee pu na: Yesu Kirisita à pa diŋyenji i si kapimpyiibii yige pi *kapegigil'e. Pire kapimpyiibil'e, mii wogigii cyi à pi pi puni wogigii na. ¹⁶Ŋka Yesu Kirisita à jùŋaara ta mii na, mii u mpyi kapimpyiibii puni nimpinji ke, lire nde cye kurugo, u à u lùtaanni cyêe sùpyire na. U à tire yyecyeente pyi sùpyir'á, nte ti sí n-pa dá u na si shìnj niŋkwombaani ta ke. ¹⁷Pèente

^a1.9 Pii maha jwo: «ná mpii pi maha pi sifeebii bùu ke».

ti taha saanrefoo Kile na t̀erigii puni i, uru u nye nyii na t̀erigii puni i ke, s̀upya nye na u naa me; uru u nye Kileni niŋkinŋi fo t̀eekwombaa. Amiina!

Poli à Timŏti yere na u uye pwɔ Kile kuni na

¹⁸Mii jyaŋi Timŏti, mii à nte t̀unnture jwo mu á mà tàanna ná Kile t̀unntunmpii p̀ii jwum'i, mpe p'á fyánha a jwo mu kyaa na ke. Zh̀iŋi mu nye na leni bà s̀upyire si mpyi si kàlaŋi s̀eè wuŋi ta me, puru jwumpe pu fánha kan ma á lire zh̀ileni na. ¹⁹Maye pwɔ Kile kuni jaaraŋi na ná funɔcɛŋ'i. Kuru funɔcɛŋk'à p̀ii k̀uunɔ, ka pi Kile kuni jaaraŋi si yyere shwɔhɔl'e, mu à jwo bakwɔɔɔ k'à f̀uru maa nt̀ige lwɔhe jwɔh'i. ²⁰Nàmbaa shuunni na nye pire e, Imene ná Alezandiri, mii à pire yaha Sitaanniŋi á, pi i ŋkyaala, bà pi si mpyi pi àha ǹuru raa Kile mege k̀eège me.

Dánafeebil'à yaa pi a Kile jáare s̀upyire puni kurugo

2 ¹Nye yaage niŋcyiige mii nye na jcaa dánafeebil'á ke, kuru ku nye ŋke: yii a Kilepareyi niŋcɛŋyi shiŋi puni pyi, yii raa u jáare s̀upyire puni kyaa na, yii raa fẁu kaan u á ti puni kurugo. ²Yii a Kile jáare saanbii ná shinbwoobii puni kurugo, bà wuu si mpyi si nt̀een yyepiŋke ná ferempe e, s'a Kile p̀ere ná jaaraŋkanna niŋcenn'i me. ³Lire l'à jwɔ, lire mú l'à táan wuu Shwofooŋi Kile á. ⁴U la nye s̀upyire puni si shwɔ, ti i s̀eèŋi cè. ⁵Naha kurugo ye Kile na nye niŋkin, s̀isuruleŋe niŋkin mú u nye u ná s̀upyire puni shwɔhɔl'e, s̀upya u nye u wi, Yesu *Kirisita kyaa li. ⁶U à uye kan mà pyi s̀upyire puni j̀uŋgwulwɔɔ ti *kapegigil'e. Kile nyii t̀en'à nɔ ke, u à lire pyi si li cyèe s̀upyire na na uru la nye ti i shwɔ.

⁷Puru jwumpe jwuwuŋi kurugo, Kile à mii Poli tiŋ'a pyi u t̀unntunɔ. Mii nye a fine me, s̀eè u nye u wi, *supyishiŋi sanŋi u nye u nye *Yahutuu me, Kile à mii tun na mii u sà a pire taanni u kuni jaaraŋkanni na, lire kuni li nye s̀eèŋi.

Pyiŋkanni na nàmbaabii ná cyeebil'à yaa pi a Kile kuni jaare ke

⁸Nye cyaga maha cyag'e dánafeebii na binnini ke, mii la nye nàmbaabii pi a pi cyeyi ỳrige, pi raa Kile jáare ná z̀ovyinre e, l̀uyirili ná jwunyahama baa.

⁹Mii la mú nye cyeebii pi pi v̀aanyai nindeyi cè. Pi à yaa pi a v̀aanya leni njemu yi nye yi s̀i pi njini faha me. Pi nye a yaa pi a j̀uŋyi pwu s̀upyire s'a pi cyèe kampyahii na me, pi nye a yaa pi a v̀aanyai loŋgara wuyi ná p̀ucyage yaayi loŋgara wuyi leni me, mu à jwo s̀eèŋi wuyi ná ŋk̀eɛncurigiŋi loŋgara wogigii. ¹⁰Ŋka pi p̀ucyage yaleer'à yaa ti pyi kacempyiini, ceewe maha ceewe u nye na Kile p̀ere ke, amuni u à yaa

u pyi. ¹¹ Mâ bâra lire na, cyeebii ká mpyi Kile Jwumpe tajwuge e, pi à yaa pi tèn tanuge e, pi raa pu núru pi raa jaare pi a ntàanni ná p'e. ¹² Mii nye a jee ceewe u a sùpyire kálali na cyeebii nye nàmbaabii jùŋɔ na me, u à yaa u tèn tanuge e^b. ¹³ Lire kajwuuni li nye, Kile à Adama dá yycyigi na, lire jwɔhɔ na maa Awa dá. ¹⁴ Adama bà Sitaanniŋi à jwɔ fáanŋa yycyigi na me, ŋka ceŋi u à fyânha a jwɔ fáanŋa, ka u u Kile jwɔmɛeni yaha. ¹⁵ Ceŋi pyiisini sì n-jà u pyi u pɔɔn u nùmpaŋke e me, li tɛgeni li nye u kwôro Kile kuni i ná tàange ná tufeempe e, u uye pèrege cè.

Dánafeebii kurunke kàanmucyafeebii kani

3 ¹ Mpe jwumpe na nye kajyee: ŋgemu la ká mpyi si mpyi dánafeebii kurunke kà kàanmucyafoo ke, urufoo la na nye si kyaa niŋcenne pyi. ² Dánafeebii kurunke kàanmucyafooŋ'á yaa u pyi sùpya, tìgire cyaga nye ŋgemu na me, u à yaa u kúu u cwoŋi na^c, u u uye pèrege cè, u nye a yaa u kyaa pyi a tòro li tɛgeni taan me, u à yaa u pyi sùpya ŋgemu u à tíi ke, u à yaa u pyi nàmpɔnmarawa, u u jà u a sùpyire kálali u a jwɔge Kile kuni jaaraŋkanni na. ³ U nye a yaa u pyi sinmbya me, u mú nye a yaa u pyi supyikyanga me, ŋka u à yaa u pyi jùmpingefoo. U nye a yaa u pyi kàshikwɔn me, u múnaani mú nye a yaa li lwɔ a pwo nàfuuŋi na me. ⁴ U à yaa u jà u pyenge shiinbii cùŋkanni na, u pyiibii s'a u père sèl'e. ⁵ Yire kajwuuni li nye, ŋgemu u nye u nye a jà u pyenge shiinbii cùŋkanni na me, di urufoo sí n-jà Kile dánafeebii kurunke yyaha cù n-jwo ye? ⁶ U mú nye a yaa u pyi sùpya niŋjyivɔnŋɔ Kile kuni i me, lire jùŋke ku nye u àha ŋkwɔ uye pèe, Kile si ŋkwɔ a u cêge bà u à Sitaanniŋi cêge me. ⁷ Mpii pi nye pi nye Kile kuni i ná yii e me, dánafeebii kurunke kàanmucyafooŋi mú à yaa u pyi ná metange e pire shwɔhɔl'e, bà sùpyire si mpyi t'àha bú u njini faha, u u jcwɔ Sitaanniŋi kàhanŋke e me.

Dánafeebii kurunke tɛgefeebii kani

⁸ Nye dánafeebii kurunke tɛgefeebil'à yaa pi pyi metangafee, pi nye a yaa pi pyi jwɔmyahigii shuunni jwufee me, pi nye a yaa pi pyi sinmbyaa me, pi nye a yaa pi a nàfuuŋi caa cyanŋanna nimpai na me. ⁹ Kuni i Kile à wuu le, ná li mpyi a ŋwɔhɔ tɛecyini i ke, pi à yaa pi a lire kuni jaare ná funvyinge e. ¹⁰ Pi à yaa pi kàanmucya sèl'e kampyi tìgire cyaga nye pi na me, pi i nta pi a uru báaraŋi pyi.

^b2.12 Pii maha jwo: «Mii la nye cyeebii pi pyi nàmbaabii cyelentii, lire nye me pi pyi nàmbaabii jùŋɔ na me. Pi aha mpyi Kile jwumpe tajwuge e pi a yaa pi fyâha, pi raa núru.»

^c3.2 Pii maha jwo: «u à yaa u pyi ceewe niŋkin poo.»

¹¹ Cyeebii mú à yaa pi pyi metangafee, pi nye a yaa pi a sùpyire sannte meyi kèege me, pi à yaa pi piye pèrege cè, pi à yaa pi pyi dánasupyii karigii puni i. ¹² Dánafeebii kurunke tegefoon'á yaa u kúu u cwonji na^d, u à yaa u jà u pyiibii ná u pyenge shiinbii puni cùnkanni na. ¹³ Mpii pi nye na uru báaranji pyi na nwoge ke, pire sí n-kêe. Pi sí raa pi báaranji pyi fyagara baa Kile kuni i, Yesu *Kirisita wwojenge e.

Yaaga maha yaaga Kile à dá ke, yire pun'à jwo

¹⁴ Mii na sônji, li sì mo me, mii sí n-kàre mu yyére, nka mii sí jcyii karigii séme si ntun mu á. ¹⁵ Mii méé ká mpyi mii nye a wyèr'a no mu yyére me, mu sí li cè nge letereji cye kurugo, pyinjkanni na Kile bage shiinbil'à yaa pi a Kile kuni jaare ke. Kuru bage shiinbii pi nye Kile jyii wunji dánafeebii kurunke, pire pi à kàlanji sèe wunji cwòho cinjjo ná cinjkunjo fiige.

¹⁶ Sèe wi, kani li mpyi a njwòho Kile kuni i ke, li mpyi a pèe sèe sèl'e, sùpya sì n-sii n-jà nàkaana pyi lire e me:

*Kirisita à uye pyi sùpya, maa uye cyêe sùpyire na,

*Kile Munaani à li cyêe na u à tíi,

*Kile mèlekèebil'à u nya.

U kyal'à jwo supyishinji pun'á,

Dinyeji cyeyi puni i, pil'à dá u na,

Kile à u lwó a kàre ninyinji na maa u pèe.

^d3.12 Pii maha jwo: «Dánafeebii kurunke tegefoon'á yaa u pyi ceewe ninjin poo.»